



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1611. usque ad annum 1617

Fleury, Claude

August. Vind. [u.a.], 1777

VD18 90118898

§. 52. Wolfgangi Ducis edictum de non turbandis in Religione subditis.

[urn:nbn:de:hbz:466:1-67313](https://nbn-resolving.de/urn:nbn:de:hbz:466:1-67313)

in rem Provinciæ comitia indixerat, in Sæc. XVII.
quibus Religionis caussam potenter a- A.C. 1614.
gens, cunctos ad exempli sui imitatio-
nem hortabatur, nonnullos vero, quos
sectæ suæ fanatismo abreptos ad sedi-
tionem pronos experiebatur, aula ex-
actos Officiis etiam suis amovebat, e-
jus vero Matri, quæ vehementer com-
mota erat, plus Deo quam Parentibus
obtemperandum respondens, suæ sectæ
libertatem in aliquo arcis cœnaculo
exercendam reliquit, ille autem ad ar-
cem Hochstadianam discessit, Fratrum
vero alter Solisbacum, alter Hilpolstei-
niuum, ditionem, testamento Patris ei-
dem designatam contendit.

§. LII.

*Wolfgangi Ducis edictum de non tur-
bandis in Religione subditis.*

Cum Wolfgangus Dux insperatam hanc Merc. Gall.
Religionis mutationem suis non ^{tom. 10. l. 2.}
modo Aulicis, ac Consiliariis, sed &
Regionum istarum incolis Lutheranæ
sectæ addictis haud gratam fore, probe
cognosceret, ut turbas inde orituras
præverteret, suosque subditos præci-
pue Juliacenses in Officio contineret,
edictum de non turbandis in Religione
subditis die decima quarta Junii pro-
mulgabat, hujus tenoris: „Non modo
Hist. Eccles. Tom. LV. X ad

Sæc. XVII „ad me delatum fuit, sed ipsus etiam
A.C. 1614. „animadverti, quod nonnulli ex meis
„Consiliariis, Præfectis & Ministris, a-
„liisque subditis ob Christianam meam
„conversionem & publicam fidei profes-
„sionem, transitumque ad veterem Ro-
„manam Ecclesiam valde perturbati, ac
„folliciti sint, quasi ob cognitam per-
„spectamque Religionum differentiam,
„eos in usu Religionis suæ minime con-
„servaturus, sed conscientiis vim illa-
„turus, atque ad alterius Religionis
„confessionem amplectendam adactus
„sim: cum igitur magna inde alterca-
„tio, fidelitatis, atque obsequii mihi
„debiti mutatio, potissimum periculo-
„sis temporibus fieri facile posset, mihi
„vero tale quid in mentem nunquam
„venerit, testatum facio publicis hisce
„literis, quod a pactis, mutuisque ob-
„ligationibus, non modo non discedere,
„sed illis etiam, qui inde discesserint,
„omnibus viribus repugnare, quæ con-
„tra attentata sunt, hactenus, abroga-
„re, measque actiones ad Divini No-
„minis gloriam, patriæ salutem, & ju-
„stitiæ omnibus ex æquo, sineque ullo
„Religionis respectu administrandæ con-
„servationem dirigere decreverim. Spe-
„ro autem, omnes in fide & obedientia
„mihi debita constanter permanuros,
„hos vero, qui contrarium facturi, &
„ab

„ab obsequio fideque debita defecturi Sæc. XVII.
„sint, beneficiis & privilegiis vel ab A. C. 1614.
„Antecessoribus meis acceptis vel aqui-
„stis haud quaquam amplius fruituros.,,
Quoniam vero prudentissimus Princeps
frequenti experientia compertum habe-
bat, quod subditos a sua Religione a-
lienos, Ministellis identidem seditionis
flamas sufflantibus, in officio haud
diu continere posset, hinc iis abactis
Parochias a Sacerdotibus Catholicis ad-
ministrari jussit, prævalente ejus con-
stantia Provincialium oppositioni ac
contumaciæ.

Sub idem tempus, Brandenburgi-
cus Princeps, qui pariter eliminato Lu-
thero Calvini sectam in Juliacensi Du-
catu introductere decreverat, promul-
gato edicto quemlibet in sua Religione
conservaturum policebatur.

§. LIII.

*Wolfgangi Principis fundamenta pro
amplectenda Religione Catholica.*

Tam fervida ac sincera Neoburgici Reihing
Ducis conversio non modo ingen- Mur. Civit.
tem admirationem, sed & iniquam in- Sanct. p. 3.
dignationem, ac fallacem suspicionem
in Calvinistarum ac præcipue Luthera-
norum animis pepererat: Unde ex il-
lis nonnulli temeritate haud toleranda

X 2 scri-